

Uunga siunnersuut: Kommunit suliffeqarfinnik pigisaasa sanaartukkanillu pigisaasa ilaasa pisiarinerinut, qularnaveeqqusernerinut attartornerannulluunniit akuersisarneq pillugu Inatsisartut inatsisaat nr. xx, xx. xxx 2018-imeersoq.

Akissuteqaat

(Aningaasaqarnermut Nunanilu Avannarlerni suleqatigiinnermut Naalakkersuisoq)

Aappassaaneerinninneq

Aningaasaqarnermut Akileraartarnermullu Ataatsimiititaliap inatsisissatut siunnersuutip suliarineqarneranut atatillugu isumaliutissiissummik sukumiisumik suliaqarnera Naalakkersuisut sinnerlugit qujassutigaaara.

Ataatsimiititaliap isumaqatigiittup siunnersuut tapersermassuk Naalakkersuisut nuannaarutigaaat.

Siullermeerinninnerup aappassaaneerinninnissallu akornanni allannguutit kingulliit ilanngunneqartut kommuninut tuaviortumik tusarniaassutigineqarput. Taamaalillunilu siunnersuut kommunaldirektørit ataatsimiinnerini oqaluuserineqarpoq. Kommunaldirektørit siunnersuut maanna akuerinartikkaat paasissutissiissutigineqarpoq.

Tamatuma saniatigut tusarniaanerup kingornagut siunnersuummut annertunerusumik oqaaseqaatissaqarnani Kommuneqarfik Sermersuumit paasissutissiissutigineqarpoq. Siunnersuut siunnersuutaaqqaartumut sanilliullugu pitsanngoriaateqarluartoq Kommune Kujallermit oqaatigineqarpoq.

Taama oqaaseqarluni siunnersuut saqqummiunneqartoq taamatut isikkoqartillugu pingajussaaneerneqassasoq Naalakkersuisut sinnerlugit inassutigaaara.